



6. Radunanza cumünela dals 15.11.2017 a las 20.00 in sela polivalenta S-chanf

Presidi: Gian Fadri Largiadèr

Actuar: Gian Luca Vitalini

Preschaints: Preschaints sun 59 votantas e votants

Büro electorel: Robert Angelini e Daniel Platzer

Tractandas:

1. Protocol da la radunanza dals 04 october 2017
2. Cunvegna deponia Bos-chetta Plauna / Plaun da Senchs traunter sar Duri Campell, la Bos-chetta Plauna SA, la Montebello SA e la vschinauncha politica da S-chanf
3. Revisiun da la planisaziun locala Bos-chetta Plauna
4. Revisiun ledscha davart parker veiculs a motor sün terrain public
5. Revisiun parziela ledscha da salarisaziun
6. Nominaziun tscherna complementera – suprastanza cumünela
7. Varia

La glista da tractandas vain approveda sainza objecziuns.

Protocol: Il protocol da la radunanza cumünela dals 04 october 2017 vain approvo.

31 0.209 Contrats e cunvegns Cunvegna deponia Bos-chetta Plauna / Plaun da Senchs traunter sar Duri Campell, la Bos-chetta Plauna SA, la Montebello SA e la vschinauncha politica da S-chanf

La deponia regiunela Bos-chetta Plauna serva daspö da l'an 1997 per depositer gerra, sablun, e materiel d' inert scu eir materiel da s-chev net. Per la cultivaziun da la deponia exista ün contrat traunter la vschniauncha politica da S-chanf e la Bos-chetta Plauna SA, chi regla la dimensiun concessiunaria. Quist contrat es gnieu desdit da la suprastanza cumünela sùls 31 december 2017. Impü es la fin da l'an 2017 druvo sü il volüm da la deponia. La deponia ho mno fin l'an 2016 entredgias da bundant fr. 17.5 mil. a la vschinauncha. Als 02 avrigl 2014 ho la radunanza cumünela tschernieu e incumbenzo üna cumischium per piglier sieu trattativas culs proprietaris (Armasuisse e Duri Campell)

reguard il schlargiamaint da la deponia. Las trattativas as svilupaivan da lungia düreda. La cumischiun ho trat la conclusiun da l'an 2016, cha els nu sajan legitimis da fer trattativas culs proprietaris. Zieva intensivass trattativas illa prüma mited da l'an cun l'Armasuisse ho quella comunico cul scriver dals 18 avuost 2017 a la suprastanza cumünela, cha la « ar immo » es pronta da der il dret d'utilisaziun e permetter a la vschinauncha da S-chanf da gestiuner la deponia per 10 fin 15 ans sün la parcella parziela nr. 305. Ulteriuras trattativas cun l'Armasuisse sun instradedas. Zieva vastas ponderaziuns d'interess e prouvas da las pussibiliteds per üna cuntinuaziun da l'activited da la deponia ho decis la suprastanza cumünela als 05 lügl 2017 da piglier sü trattativas insmebel cun Duri Campell, la Bos-chetta Plauna SA e la Montebello SA per elavurer üna cunvegna partenaria. Scu basa da quista cunvegna es il contrat traunter la BPSA e DC chi' des gnieu stipulo ils 25 november 2011 sur üna düreda da 40 ans ün important elemaint. Tar l'elavuraziun da cunvegna nouva es gnieu resguardo la ledscha federela sur da la planisaziun dal territori chi tegna in fermaunza l'art. 5, cha avantags da planisaziun vegnan cumpensos cun almain 20%.

Tres la cuntinuaziun da la deponia Bos-chetta Plauna s-chaffescha la vschinauncha circa aint ils prossems 20 ans entredgias da totel 12 fin 14 mil francs. Zieva cuorta discussiun decida la radunanza cumünela cun granda magiurited e sainza cuntravusch d'arderir la cunvegna da la deponia Bos-chetta Plauna.

32 7.900 Planisaziun dal territori cumünel

Revisiun da la planisaziun locala Bos-chetta Plauna

Da l'an 2010 s'ho cumanzo cun la planisaziun dal schlargiamaint da la deponia. La vschinauncha ho incumbenzo il büro da planisaziun Stautfer & Studach svilup dal territori, Cuir cun la revisiun parziela da la planisaziun locala. L'elavuraziun dal rapport tecnic e'l rapport ecologic succedaiva tres la Edy Toscano AG a Zuoz. La planisaziun locala deponia Bos-chetta Plauna cuntegna il plan d'avertüra, il plan da furmaziun generel, il plan da zonas, ils rapports da planisaziun ed partecipaziun, il rapport ecologic cun agiunta, la dumanda da runcheda ed agiuntas. Zieva cuorta discussiun ed üna cuntraproposta per s-chaffir üna plazza da parker sül territori inua chi d'eira planiso l'implaunt da tir, aderischa la radunanza cumünela cun granda magiurited a la proposta da la suprastanza cumünela d'aderir la revisiun da la planisaziun locala da la Bos-chetta Plauna e suottametter la revaisa da planisaziun a la regenza per l'aprovaziun.

33 0.122 Cumischiuns

Revisiun ledscha davart parker veiculs a motor sün terrain public

La cumischiun per revaisas da tschantamaints, ledschas ed uordens da la vschinauncha da S-chanf ho elavuro üna revisiun da la ledscha davart parker veiculs a motor sün terrain public e decis da suottametter quella revaisa a la radunanza cumünela. La revaisa cuntegna müdamaints redacziunels. Impü il parker gratuit sün terrain public cun excepziun dals parkegis in Prasüras. Zeiva cuorta discusiun decida la radunanza cumünela d'aderir ils müdamaints redacziunels illa ledscha davart parker veiculs a motor sün terrain public. Impü es gnieu fat üna cuntraproposta da müder la ledscha, cha las plazzas da parker sun sün tuot il territori da la vschinauncha da S-chanf sun in futur gratuitas inclus la plazza da parker in Prasüras. La radunanza decida d'adeiri la cuntraproposta cun 31 cunter 17 vuschs.

34 0.122 Cumischiuns
Revisiun parziela ledscha da salarisaziun

La cumischiun per revaisas da tschantamaints, ledschas ed uordens da la vschinaun-cha da S-chanf ho elavuro üna revisiun da la ledscha da salarisaziun e ho realiso üna consultaziun. Tar ponderaziuns detagliedas propuona la cumischiun d'exeguir üna revisiun parziela da la ledscha da salarisaziun e ho decis da suottametter quella a la radunanza cumünela. La revaisa cuntegna müdamaints redacziunels e la salarisaziun dal suppleant da la suprastanza cumünela.

Cumpletaziun da sar Gian Andrea Bott : « Sar Heinz Thomas preschainta la nouva ledscha da salariasziun. Traunter oter manzuna el cha saja previs da legaliser la pratcha effetueda daspö ans, uschè cha'ls presidents cumünels possan scriver sü las dschurnedas plainamaing eir in avegnir.

Oura dal ravuogl da la radunanza vain constato, cha tuot ils presidents cumünels dals ultims ans sun eir stos commembers da la cumischiun per fer u refer uordens e ldeschas traunter oter eir l'uorden da salarisaziun. La peja dal president nun es gnida scurznida adonta, cha la lavur s'ho diminuida considerabelmaing. Però nu po il president scriver üngünas dschurnedas già cha la peja es resteda ota. Uschè es sto l'intent formulo aint il uorden da salarisaziun.

A vain la dumanda our dal ravuogl da la radunanza, chi pretenda da savair ils noms dals presidents. Chi hegian scrit sü già daspö ans las dschrurnedas ed impü vuless la radunanza savair che cha dia la cumischiun da gestiun da quist pratcha ?

Da la vart dal la cumischiun da gestiun vain explichò cha'l president actuel scu eir sieu antecessur hegian inchascho dschurnedas na permissas. Be Romedi Arquint hegia fat giò quint cun las spaisas in möd correct. »

I vegn aderieu ad üna cuntraproposta da la radunanza cumünela da refüser la revisiun parziela da la ledschda da salarisaziun e da mner üna revisiun totela da la ledscha davaunt la radunanza cumünela l'an chi vain.

35 0.121 Cussagl cumünel
Nominaziun tscherna complementëra – suprastanza cumünela

Ils 26 november 2017 ho lö l'elecziun complementera per ün commember illa suprastanza cumünela. Tenor constituziun cumünela art. 39 al. 4 as po inoltrer a la radunanza da nominaziun propostas da tscherna.

Numno es : Mammoliti Mario da S-chanf

Varia

Il President infurmescha sur ils impedimaints sün via Maistra tres la montascha da las raits da fibra fin la fin da l'eivna ci vegn.

Il president serra la radunanza a las 22.10 ed ingrazcha a tuot ils preschaints per lur cumparsa.

In buna fè

Il president:

L'actuar:

G. Largiadèr

G. L. Vitalini